

佛說寶網經

西晉三藏竺法護譯



清刻龍藏佛說法變相圖

新編
乾隆大藏經

三六六

龍藏

佛說寶網經

西晉三藏竺法護譯

彼十

聞如是一時佛遊維耶離獮猴江水邊交露精舍與大比丘衆俱比丘六萬皆阿羅漢菩薩三十億悉一生補處慈氏菩薩等二生補處三生補處四生五生十生補處十八生二十生三十生四十生補處五十生百生補處舉要言之上至千生而補佛處有九十億諸

波十

天之衆欲行天人色行天子四天王天帝釋梵天王須深天子月光天子日光天子勝英天子作樂天子此諸天子及餘天人九十九億無勞龍王沙竭龍王和倫龍王摩柰斯龍王難頭和難祇龍王文隣龍王大悅龍王燕居阿須倫王與諸阿須倫民皆來集會稽首佛足分部而坐爾時維耶離大城中師子將

軍有子號無量力時無量力有童子仁賢號
曰寶網曾已供養不可稱計百千諸佛爲無
量世之大庭燎執持法教厥年八歲時適寢
寐於夢中見兜率天人從天宮下宣揚其音

而歎頌曰

佛身現在導衆生 其光照曜三千界
顏容殊特曠無狀 體色紫金百福會
若千月光加億數 不比精明聖智容
其殿現光巨垓數 今斯月宮徧東方
南方如是西亦然 造宮北方爲若茲
如是諸殿照巨億 其數各如江河沙
無比世護諸毛孔 所演光明曜巍巍
能仁一一諸相好 所出暉曜照無量
一一導師所奮威 以用開化諸衆生
猶復越於江沙數 普能現說三十六

於是童子寶網於夜夢覺啓白其父夜諸天
人下兜術宮以偈相語而歌頌曰讚佛功德
今欲求索緣見自歸如來至真童子寶網因
時以頌而讚歎曰

開悟衆生善道師 無念世父志廣大

後十

二

大人當知供養佛 導師興世甚希有
如靈瑞華難可遇 其色煌煌輒微妙
香氣流布無耗損 如是尊華難得值
我身今日啓於大人願以相施歡喜之心
其從世護光明之教常當恭敬現真諦慧
如是諸殿照巨億 其無量力懷歡悅心尋時即生梨車童子
師子將軍供養大聖童子我往唯從命耳
若種六億修精進業供養導師於釋師子
殷勤自歸最上尊勢皆隨天帝其眼有千

又梵天王尊位自在其導師者天魔之子

與諸天子 那術億數 一切皆樂 遊維耶離
牀榻具足 滿億千數 紫磨金色 像明月珠
七寶校成 亦甚巍巍 一一分部 其數億千
牀悉如是 布在右面 時立幢旛 常爲歡樂
一一牀座 具足微妙 其幢超絕 有億殊勝
諸幢旛者 各在左右 於閣如是 衆好最勝
明月珠寶 卓然周徧 一一寶珠 其價億數
而以垂校於諸幢旛 時豎立之上 去甚高
其旛下尾 紫金交露 其旛如是 不離黃金
諸樹皆悉滿億千衆 衆坐安然 罷在後面
其此諸座 堅固殊勝 所設安定 猶如門閭
彼十 其牀榻上 寶蓋光光 紫磨金色 周帀垂旛
白銀瑠璃 水精亦然 碩礪之胎 及與碼礪
阿文珍藏 并及真珠 其赤栴檀 若干種寶
一一在前 具足百千 交露周帀 莊飾寶蓋

其於地上 亦設妙帳 以上妙金 而合成之
水精瑠璃 白銀如珍 成就磚礪 及以碼礪
在於地上 一一施設 一一寶餅 究竟百千
燒香滿中 以爲供養 奉上導師 名稱遠聞
於維耶離 上虛空中 以紫磨金 而爲寶繩
一一寶繩 甚微妙好 連諸寶幢 其數億千
計彼寶瓔 億垓無數 一一紫金 以爲繩連
若來觀者 甚以爲好 諸國中民 維耶離城
從下上去 四丈九尺 維耶離城 皆布衣服
赤栴檀香 而用熏之 各遣其衣 珠璣瓔珞
紫金雜廁 有七萬億 其鈴千種 皆在左右
羅諸香鑪 有七萬億 以用供養 佛釋師子
其大莊嚴 所作如此 童子寶網 國中所設
以欣然心 啓於父母 我往詣佛 欲請至聖
尋即時出於彼城門 行到最勝 大聖人所

稽首足下自歸德海童子即退却住一面
於是童子寶網出維耶離大城行詣佛所恭
肅敬意稽首足下還座一面佛知其意則隨
時宜所應當解而爲說法欣然大悅童子寶
網見佛勸助開化說法益以踊躍即從座起
偏出右肩右膝著地和顏悅色前白佛言唯
世尊垂愍明日受請及與聖衆佛已受請默
然不應許可童子於時佛愍哀寶網寶網見
佛默然便從座起遶佛三匝作禮而去童子
寶網與天帝釋梵迹天王須深天子入維耶
波十
離城施甘味饌奉若干品種種美食即於夜
時辦諸座具莊嚴校飾維耶離城懸諸幢旛
散華燒香所設已辦往詣佛所稽首足下却
住一面又手白佛大聖見愍時至食辦從尊
所宜時佛明旦著衣持鉢與無數百千聖衆

上虛空中去地四丈九尺神足經行欲得前
入維耶離城適欲入城如來應時六返震動
三千大千諸佛世界顯現十八無數億垓百
千衆變到維耶離時無央數億百千垓諸天
悉來雨諸天華青蓮諸紅黃白衆華諸天意
華蜜香末香雜香擣香其明月珠雜紫磨金
衆珍奇異七寶天華奉散佛上同音歌頌鼓
無央數億百千妓妓樂樂佛空中雷音徹聞
十方雨天栴檀衆寶瓔珞校飾上下盲者得
目聾者得聽瘡者能言病者得愈跛者能行
狂者得正亂者得定僥者得伸其被毒者毒
皆消歇箜篌樂器不鼓自鳴婦女珠環相歛
玲玲飛鳥禽獸相和悲鳴衆人集觀莫不喜
驚於時世尊適已入城諸天於上下諸寶蓋
執在虛空佛即往到童子寶網家前坐其舍

跋十

五

與四部衆比丘比丘尼清信士女悉在其中次第而坐童子寶網見佛弟子所坐已定手自斟酌百種飲食若干種味珍異餚饌供養世尊及與聖衆四部弟子等無差特飲食畢訖行澡水竟取三法衣其價無數億百千妓貢上大聖比丘比丘尼亦復俱得三品法衣其價施佛等無差特各各賜遺清信士清信女一具體衣所以者何皆是世尊聖恩所化故使其然童子寶網供養佛竟別自歇飢安身已訖更取獨座於佛前却坐一面白佛言欲有所問若見聽者乃敢自陳佛告寶網在所欲問諸有疑者如來至真當解結網今心坦然童子問佛唯然大聖豈有諸佛徃世修行所願合成現在者乎學菩薩道諸族姓子族姓女學菩薩乘得聞其名心中開解而不

懷疑成不退轉當得無上正真道也姿體端正顏色無比財富無窮戒不缺漏智慧具足心識宿命不懷貪嫉無所妄想所在之處常以和安與諸菩薩以爲眷屬離於一切諸聲聞衆便得啓受所說功勳不可稱計億百千妓諸佛正覺之所欽愛飽滿衆生久遠飢虛驚動諸魔咸來自歸修治嚴淨諸佛國土雪除衆生心性翳垢而爲頒宣清白之法諸天神明悉共擁護菩薩大士咸俱念之如來至真之所建立未曾違遠諸佛世尊而皆備悉諸菩薩行而皆具足八萬四千諸種事業衆究竟音其聲如梵普徹佛界莫不聞焉咸受其命於時佛告童子寶網善哉善哉所問辯才甚爲微妙多所憂念多所安隱愍傷諸天及十方人能質如來如斯義乎童子諦聽善

思念之當爲汝說分別其義童子寶網與諸大衆受教而聽佛言童子當知東方去此有佛世界名曰解君猶族姓子江河沙等其中沙數若干佛土從下水基轉至上界三十三天有諸埃塵周徧其中時有一士夫自然出彼一一皆數諸世界塵過越若干億百千垓諸佛刹土乃著一塵佛言童子如是比類次如前數諸佛刹土復著一塵長遠久迥無限無量不可稱計虛空不容此諸塵數稍稍舉移悉令使盡於童子意所志如何寧能有人思惟計數稱量下筭於彼士夫所移塵數所著處乎遠近多少答曰無能知者天中之天假使有人欲分別識說此譬喻曉了其義尚不能達識其譬喻安知數乎佛語童子彼時士夫所移諸塵一一著處是諸佛界下至水

際上至上界三十三天滿其中塵國土若干於時復有第二人出取彼一塵過如前人所計塵數而越若干不可稱載億百千垓諸佛刹土乃著一塵佛言族姓子以是比類所過東方長遠無際復取一塵過如前數復著一塵以是比類其人所越天所不覆地不能載不可計量億百千垓諸佛刹土爾乃及至解君世界彼有佛名寶光月殿號妙尊音王如來至真等正覺明行成爲善逝世間解無上士道法御天人師號佛世尊於今現在族姓

彼十七
子及族姓女學菩薩乘聞彼佛名不懷猶豫信佛道眼斯可聞名所生之處爲轉輪王若佛興世常與相見覩無央數諸佛至真咸供養之淨修梵行獲致神通進退獨步總持自在得觀如來覩江河沙等平等正覺棄捨生

死超若干億劫亦如恒河沙心常安靜未曾
忽忘恒志無上正真之道無有塵埃不近衆
塵由得自在身如鉤鎖住在一處具足四事
體如紫金以三十二大人相莊嚴其身逮八
部音聲踰梵天棄捐八難常得閑靜於時世

尊觀此義已則說頌曰

其聞世吼名心不懷狐疑得信佛法明
則爲真衆祐常爲轉輪王輒值見諸佛
適遇尋供養無量不可議恒遵修梵行
神通而獨步執轉諸總持致覩諸佛路
當得覩諸佛猶如江河沙超越諸生死
億劫亦若干以志佛道故心未曾忽忘
其宣世吼名爲衆請宣傳成轉輪聖王
立一處自由致體紫金色其相三十二
若有聞佛號聲音踰梵天棄捐八難處

五體歸禮敬不障塞佛道未曾懷瞋恨
其聞佛名者不懷猶豫故若奉最勝號
夙夜具七日彼眼致清淨逮見無量佛
未捨於肉眼而普見清淨覩無數諸佛
猶如江河沙

庚十

八

佛告童子若有菩薩聞彼佛名及與凡夫慇
懃精思而遙自歸咸能供養悉聞十方諸佛
所說目皆覩見僉信樂之前世宿命曾所供
養無央數佛適能得聞諸如來名輒皆識念
本所遊歷爲說往世本末名號志所誓願見
他衆生根源所從來究竟佛道心懷悅豫亘
如日出永無塵翳所覩極曠棄除八難鬪諍
之事其心和雅常懷閑靜若有篤信於佛道
者和合離別未曾怵惕正使往世犯諸罪孽
應在惡趣燒炙劫數小遇頭痛衆殃消除火

不能災風不能中國主王者不能加害聞如
來名未曾生盲目不痛瞎不聾不聾聞佛名
故不僂不跛諸龍鬼神及阿須倫餓鬼魔鬼
人與非人不能犯觸諸魅暴鬼神龍地祇莫
不愛樂假使執持諸佛名者功德如是不可

稱計佛於是而作頌曰

目皆見諸佛 咸能供養之 聞所說輒受
其人僉信樂 宿命所更歷 供養無數佛
後十 適聞彼佛名 一切悉識念 其本之名號
爲衆人說之 復覩他衆生 能究竟佛道
興發歡喜心 剑去諸諍訟 九 案捐諸八難
所生常閑靜 假使信名者 世護正真主
其心不懷結 雪棄憤闊事 設犯無擇罪
受殃若干劫 一時遇頭痛 諸疊永畢除
不爲火所災 在風不見中 彼聞如來名

王不能加害 未曾爲生盲 不聾亦不聾
其奉最勝號 手腳不缺減 鬼神捷沓和
餓鬼厭惡神 若聞如來稱 人毒呪不行
諸魅若羅刹 諸天若干龍 奉此最勝名
皆共愛敬之

佛復告童子假使有聞彼佛名者疾遠三昧
決諸狐疑不著音響志無所生勞勲億千所
以然者聞佛名故若值佛名坦然無疑則能
奉持越無數劫其於來世信樂此法功德如
是若聞導師滅度後名善宣法訓執持講說
若能傾懷於人中尊所演經典修淨致尊備
諸佛行臨壽終時其心不亂尋能覩見億垓
諸佛聞所說法皆能受持已自修立開化衆
生聞不求短而悉化之令住佛道其人設奉
諸佛名者爲應供養諸佛大聖并信吾身從

佛之教常自歸命求得解脫不趣地獄其信
佛慧則歸吾身其誹謗者是魔官屬斯在五
趣所遊衆生世尊悉濟令立一乘以一毛孔
如來至真則能演出江沙光明度脫衆生佛
於是而作頌曰

不疑音聲句 疾逮得三昧 興暢億功勲
聞佛名所致 於後末世時 奉持此經道
聞諸世吼名 其心不猶豫 減度諸正覺
若頒宣法教 聞衆導師名 奉持能分別
則爲具奉行 諸佛所演法 能致尊嚴淨
衆聖所應宜 臨欲壽終時 尋見億垓佛
輒能皆啓受 諸佛所說法 已能建立行
并化億衆生 所聞不虛耗 普逮諸佛道
則爲悉奉持 一切諸佛教 信吾真聖目
亦供養諸佛 歸命諸最勝 永度諸惡趣

其信佛慧者 此人從吾教 若好佛道法
爲隨大聖教 設誹謗正法 皆是魔官屬
如五趣衆生 所有體毛孔 濟危如是數
八之一乘道

佛告童子如來至真以一毛孔用演江河沙
等光明威神若有信此於一世中覩見億數
諸佛世尊若復聞此法王所說不懷結網亦
當成佛如我今也若復隨順講斯經典於最
後世希有信者如江河沙數士夫世界如此
悉徧照佛土如是無思議設能計是一切諸
數滿中珍寶施於如來加聞佛名心懷欣豫
當逮此慧不可思議數數思念諸導師尊其
功德福不可稱計又佛光明照於十方其身
巍巍如寶合成加聞佛名不懷狐疑尋時逮
得無所從生口氣馥芬名香遠聞宣持佛名

其德如是不可稱量佛於是而作頌曰

彼十

從一毛孔中 世吼聖威神 演出其光明

猶如江河沙 假使有信此 諸佛無量光
一世所覺了 遣見億載佛 若聞斯經者
法王所歎詠 省之不懷疑 當逮如我今

其有如應時 聞說斯經者 然後末世時

爲人分別說 猶如江河沙 讀士夫所由

以一光明曜 照若干佛土 一切皆共計
佛土無思議 滿中紫磨金 親自奉世護
若聞諸佛名 心中懷坦然 不如歎佛名

是福最無限 常能數數念 是經法者末世歸之執在身手心思口誦曾
無能歎究暢 計數其功德 見過佛說是尊經義能慇懃供養者斯經卷
如寶甚煌煌 設聞諸佛名 歸彼人自然在手法王所詠所建立誓願至
逮成於法忍 口氣香馥芬 其身所演光
悉由宣佛名 如天栴檀香

佛告童子寶網假使人聞佛身毛孔所演光
明其暉遠照開導衆生心中悅豫在所生處
得侍諸佛不離在側亦如阿難今來侍佛猶
如子孫親里骨肉奉行佛道以見世明歡喜
無量所致恭恪不可稱限見諸佛已具足奉
事獲福如是孰聞佛名而不敬承唯魔官屬
迷惑外道能不信耳童子適見佛尋自歸命
是經法者末世歸之執在身手心思口誦曾
見過佛說是尊經義能慇懃供養者斯經卷
歸彼人自然在手法王所詠所建立誓願至
誠後世必獲若以一心奉無數佛不如信此
經典之要福不可量勝供諸佛容貌端正勇
猛無畏功德殊異財富無數志意堅強三十
二相莊嚴吉祥莫不宣暢佛於是而作頌曰
佛身諸毛孔 若有人聞者 佛名及明曜

信樂順正法 從諸佛教化 聞斯經法者
當作佛形像 愚癡懷闇塞 謗謗是佛名
盲冥無眼目 億劫獲此殃 若往無數劫
鬪亂別離人 設誹謗此經 其罪過於彼
然後將來世 以故說斯義 無得懷猶豫
疑佛無上慧 名香種種華 雜香好衣服
聞如是經卷 當慇懃供養 安和諸飲食
其童子寶網 柔軟妙供具 數奉上如來
爾時諸天人 聲揚大音聲 諸天兩衆華
遙散聞此經

佛告童子寶網此經典者多所安隱猶如困
疾值得良醫療治其病風寒熱氣無不除愈
菩薩如是聞彼佛名慇懃精進姪怒癡病皆
得消盡時無央數諸天人衆來集空中兩旃
檀香梵天億數及與童子聞此經名并如來

號歡喜踊躍善心生焉口所宣說咨嗟無上
我等末世當爲比丘志强無畏當以此經在
於郡國城郭縣邑頒宣斯經當隨佛教假使
遠在億百千里當往啓受不以迢邈而爲患
難當請諸天人龍神阿須倫犍沓和加留羅
真陀羅摩睺勒人與非人等爲說經義飽滿
道法諸天悅豫空中散華其墮如雨各讚歎
波十言法王一音普告佛土爲顯無爲愍傷衆生
周徧佛土如江河沙十方亦然童子寶網覆
諸佛國若見大雄無有懈倦世尊顧眄爲分
別說莫疑佛法如來無量佛眼無限普施安
隱佛慧無際達知三世無所不通諸法中王
輪世五陰無有堅要四大亦然勿著音響色
痛癢陰想生死陰曉了是者知無有要也其
有思惟如來所說疾得總持志不迷荒諸法

本淨空無吾我無所希望無有儔匹如來如是於是而作頌曰

諸天無央數 億千住虛空 而兩栴檀香
億載梵亦散 彼十聞此寶網經 讚勸助如來
心歡喜欣然 口宣無上義 我於後末世
爲勇猛比丘 詣城郭縣邑 當爲說比經
當諦順佛教 平等覺吉祥 故到億逾旬
頒宣是言教 請會諸天人 諸龍真陀羅
諸人及非人 鮑滿以法施 諸天人歡喜
其心和悅安 於彼雨衆華 同音俱咨嗟
普偏諸佛土 法王之境界 十五釋師子人尊
一毛光所照 導人興愍哀 世尊一出舌
蒙覆億佛土 亦如江河沙 十方亦如茲
緣梨車國人 及六十等侶 於童子寶網

顧盼而告言 無得疑佛法 如來不可量
無能限佛眼 施安一切和 佛慧無央數
普流於三世 世尊靡不達 皆解諸經典
五陰無堅固 人中導所說 四大之所變
無得著音響 當解於色陰 痛癢諸想念
生死倚衆識 無有真要者 則五陰如是
順如如來命 速得逮總持 心未曾忽忘
諸法皆本淨 虛無無吾我 無諍無所念
此從如來教

佛告童子南方去此如前譬喻過倍此數一
切諸塵更復越彼七十二億百千垓不可計
會諸佛刹土計倍復有世界名雜種寶錦彼
有佛名樹根華王現在說法若族姓子及族
姓女聞彼佛名爲如來至真等正覺明行足
爲善逝世間解無上士道法御天人師佛世

尊所演經法初中竟善若族姓子及族姓女聞彼佛名不懷疑結信吾道眼則於現世至德具足逮受五法何謂爲五一曰盡除吾我所生之處常值佛世二曰獲極尊勢轉輪聖王三曰逮總持法執御經典誠信百千四曰成三十二大人之相至得佛道衆行備悉五
曰逮得五通無所蔽礙是爲五復有五事逮得神通何謂爲五一曰徹視見於十方麤細大小學不學聲聞緣覺上至世尊與衆超越二曰耳能徹後十聽聞萬億地獄餓鬼燒炙飢渴畜生之惱天上世間安隱苦樂或惡或好十方諸佛所說經典皆悉聞之三曰身能飛行徧諸佛國如日現水雖現往來而無周旋四曰能知一切衆生心念善惡好醜有志無志有漏無漏有心無心慕俗樂道而悉知之五

曰自知宿命并見衆生無數劫事古世所生過去當來今現在事靡所不通悉識念之佛於是頌曰

其有讚歎人中大聖聞不懷疑常能曉了此則疾獲逮致五通敬是尊經佛所說者顏容端正體如紫金當爲尊王轉輪聖王身如鉤鎖則爲功德建立威儀而得自在其福興盛具足千子勇猛英雄遊步無勝面貌殊妙相好飾姿彼功德勲如天帝王若爲國王采女滿千身如天金心性第一本所遊居及當來處見此王者觀之無厭所可造行不以爲患諸有臣下一切尊豪來就見者不以懈倦如是成就第一大德諸天來歸所願難勝世間人民及諸龍王咸爲衆生善立國界悉能更立於佛道處

其國最安豐熟平等當爲世間自然之佛
僉至其所奉敬第一從始至終道無放逸
何所知者聞佛之名豈懷狐疑愛敬所知
於法第一布其威曜諸是尊經佛之所說
唯本前世從佛受法疾至寂滅遵修正行
但有諸佛開導衆生所行見敬衆義備足
其信樂者謂是童子清淨尊豪是王財業
童子謙卑承事於佛聞斯名者第一無疑
佛告童子西方去此過於前喻三倍塵數復
越彼刹十二阿僧祇百千億垓佛土有世界
名勝月明其佛號造王神通焰華如來至真
等正覺明行成爲善逝世間解無上士道法
御人天師佛世尊現在說法若族姓子及族
姓女學菩薩乘聞彼佛名不懷狐疑篤信於
道自所宣說所生之處致演光明三昧正定

尋復隨逮十阿僧祇億百千垓諸三昧門入
於六十不可計會億百千垓諸總持門如海
總持寶藏總持然後不失諸定意法臨壽終
時目見十方各十億垓諸佛正覺十方諸佛
所說法者皆能啓受不失道教至成佛道越
五百劫生死之難住於斯學如是不久尋即
成無上正眞之道爲最正覺佛於是頌曰
聞人中尊名爲世護聖明棄捐諸生死
具足五百劫臨其壽終時各見百億佛
輒稽首歸命諮詢受所聞法其所聽經者
億劫未曾忘奉修尊妙行悉聞如來名
所生百千世服寶三昧定興發億功勲
用聞佛名故逮六十億定載數不可計
因奉導師號奉事供養故是故諸勇猛
遵修佛道行化無數千人建立尊上道

彼十

十八

十九

其曉了佛道 未曾習塵欲 喻衆生所行
 爲造其名號 其聞此名者 爲一切廣說
 未曾墮八難 易遇諸閑靜 以除諸危厄
 佛今所可說 其人常自在 值微妙佛世
 童子設識解 如如來所明 聞其名號者
 悉照此衆生 即當以此經 爲他人宣暢
 奉正覺若斯 世護多所救 其聞斯名者
 調和而啓受 旋爲他人說 彼則護佛法
 其護佛法者 善宣正道因 以聞此經典
 爲人剖判故

佛復告童子北方去此如前譬喻復加三分
 越彼佛土六十無限億百千垓諸佛境土其
 世界名曰決了寶網其佛號月殿清淨如來
 至真等正覺明行成爲善逝世間解無上士
 道法御天人師佛世尊現在說法若族姓子

及族姓女學菩薩乘聞彼佛名信樂不疑敬
 喜道眼之所頒宣所生之處常當逮致寶幢
 三昧觀見十方各十江河沙諸佛國土亦越
 若千百千億垓生死之難立在初學疾遠無
 上正真之道爲最正覺若有女人聞彼佛名
彼十 不懷狐疑有信吾言所生之處轉女人身得
 男子形勸化無數百千衆生令致無上正真
 之道解其音響得不退轉疾成正覺當爲一
 切講說經典令致三乘聲聞緣覺菩薩大道
 佛於是頌曰

假使得聞兩足名 其心悅豫不沉吟
 則能棄捐非法憂 正行億數如江沙
 得見諸佛其亦然 奉事供養不可計
 於一世中無涯底 所可供養極美具
 其能奉修尊佛道 其人如是有殊特

若有咨嗟衆聖明聞之未曾懷猶豫若有女人得聞此諸佛名號不躊躇則能疾轉女人身得爲男子光普照其明徧曜靡不周往詣無量諸佛土皆見世間衆所行然後成佛常無憂若能得聞諸佛名其神足力超如是如來聖衆如大龍何況發意求佛道奉敬正覺離垢塵若聞其號速宣傳其明所照逾日光致三昧定善宣暢若能遵行尊佛道其德殊異爲若此衆生無量不可議諸聖所勸尊佛道猶如月殿妙巍巍住在虛空演衆曜其能奉持如來號威德衆好亦如是何所知者聞佛名而懷狐疑猶豫者若能至誠行此法慇懃遵修最尊道

常能勤行無上義其人不致諍訟事以無極行奉聖尊適聞其名尋歸命佛告童子下方去此過於前喻九十九倍復越於彼如九十九不可計會億百千垓諸佛刹土有世界名尊幢君其佛號善寂月音王如來至真等正覺明行成爲善逝世間解無上士道法御天人師佛世尊所說經典上中竟善獨步三界救濟三世令致大道無上正真若族姓子及族姓女學菩薩乘聞彼佛名心不懷疑信我道眼之所解說所生之處得普光三昧臨壽終時具足逮見億百千垓佛親住其前十方各然十方諸佛爲說經典聞則受持抱在心懷未曾忽忘至成佛道不可計會千倍功勲億百千垓致不可計無涯底載諸三昧定不中失定至成佛道無所蔽礙

十方諸佛皆共建立在於新學越九十九億
百千劫生死之難菩薩疾近無上正真之道
不以劫數生死爲礙如日光出天下大明於
是世尊觀此義已即說頌曰

聞遊世間尊上號 爲大神仙億無極
得見諸佛億百千 當自奉事斯殊勝
以能供養諸如來 爲善導師廣開化
普能照曜於三世 然後成佛無憂患
於一世中所承事 如江河沙無數尊
尋致三昧光徧照 然後成佛無憂念
以致學意廣無狀 ^{彼十}遇諸法王轉法輪
建立衆生無三惡 滅生死火如水澆
天人之尊爲福田 人中法導德殊勝
人民見之懷喜悅 奉捐於斯諸八難
明智逮值獨閑靜 遂得人身常聰聖

遊無量世乃謂佛 若有頌宣安住名
造立誓願若百千 而得聞此世明導
以安和成天覺眼 亦當獲致柔順忍
如我錠光所得決 智者得忍亦如斯
見佛以華散其上 說超異願億佛名
其演光明臨壽終 唯有外道虛偽術
以坐其人堅道教 假使有聞說斯經
假使有聞說斯經 親自所覩如來宣
斯黨後世能受持 復爲他人分別說
佛告童子上方去是過如前喻倍恒邊沙有
世界名善分別其佛號無數精進願首如來
至真等正覺明行成爲善逝世間解無上士
道法御天人師佛世尊現在說法頌宣道教
開化十方六通六度皆使蒙恩唯學菩薩不
斷佛種若善男子及善女人學菩薩乘聞彼

佛名不懷結網信吾道眼世世所生未曾懈
怠不曾貪欲不戀父母不著妻子兄弟姊妹
不慕親屬中外種姓不貪親友交識所知世
世所在身未曾離三十二相莊嚴其體少姪
怒癡身無疾病不多憂慮安隱無量至成佛
已常逮得不可稱計億百千垓功勲之德佛
於是頌曰

未曾見憂惑 父母及親屬 其聞諸佛名
不懷疑結故 其世光明曜 今現在上方
威神照三界 爲衆說經法 若能聞名號
爲他人說者 以三十二相 而常莊嚴身
智慧無損耗 修行菩薩道 奉敬歸諸佛
用宣名所致 所在常奉敬 不可議億佛
其行佛道者 未曾有所著 所獲功勲德
稱揚不可盡 以聞是名故 能爲他人說

然後將來世 若得值此號 無得懷狐疑
佛慧無上蓋 其見平等覺 供養無央數
然後將來世 是經歸身手 寶網得見佛
菩薩無所畏 適聞此經已 未曾懷猶豫
無得疑佛道 如來不可限 前世已曾行
修無數億劫 施以身手足 耳鼻及頭目
妻子國邑城 惠與不懷恨 然後將來世
得聞此經者 能爲他人說 則成最衆祐
其欲解了義 世護所教誨 諸佛之所行
是故聞此經 無得懷沉吟 調心習止足
滿足備三月 轉得總持決 喜執念諸法
諷誦學斯典 數數當經行 常講具精進
豫以金縷織成衣其價無數奉上如來如來
於是童子寶網聞佛所宣真諦之義心懷悅
應時即如其像三昧正受佛身一切諸有毛

孔悉演光明照於東方不可稱計無際世界
其在東方一切佛土皆悉遙見此佛國土其
彼衆會集在道場亦復皆覩於此佛刹當爾
之時九十九億百千兆載諸四部衆皆各各
見諸佛世尊佛告童子寶網仁今乃見東方
去此不可思議無能稱計無際世界諸佛世
尊浩浩甚多無以爲喻童子白曰已見世尊
佛告童子譬如三千大千世界諸天人名一
一身號建立精進不可計會其諸佛名復過
於彼不可稱載或名吉祥善寂亦然或名月
響月殿亦然或名清淨華光亦然或有名號
過神通王如一名號其若干名亦各如是對
曰已見天中之天東西南北四維上下亦復
如是如仁今者所見佛數仁者更轉輪王若
千返數時童子寶網歡喜踊躍善心生焉時

地大動一切衆生皆得安隱其大光明無所
不照勸發德本無央數億百千兆垓諸天之
衆住虛空中散華燒香供養如來釋梵諸天
各各侍從無數兆載諸天營從雨赤栴檀青
蓮芙蓉黃白蓮華或有諸天遙散無數諸寶
瓔珞不可計數億百千垓世間人民自來投
身歸佛足下悲喜交集淚流于面承佛威神
識念無數億百千垓宿世所更遙觀無底兆
載神足變化於是天人歎頌曰

其無央數億 諸天普周徧 柔軟妙華香
下散世光明 億載天帝釋 眱住虛空中
紫磨金色華 以奉兩足尊 億百千梵天
手執赤栴檀 以散光明曜 舉聲而嗟歎
無數諸天樂 在上而自鳴 所演辭尊妙
顯離垢光明

諸天散華有百千
住在虛空讚導師
諸華若干天香蓋
爲人中尊億幢幡
各持百千寶瓔珞
散明月珠奉歎佛
其心歡悅供最尊
勝無等倫威無量
人民具足百千億
自歸最勝不可量
頭面著地而自歸
識億垓宿無以喻
於時世光明 則爲扣法鼓 應時告於彼
名聞巨億土 無限不可量 億數人民會
佛則建立之 尊慧人中上 上妙堅固寶
栴檀無能勝 自然彼牀座 童子懷踊躍
巍巍微妙寶 寶網即受持 化是無數千
以奉兩足尊 一心所思惟 其價直千界
光明億百千 所出明月珠 一心悉如是
寶網演威曜 其明所可照 徒其維耶離
以此奉供養 世護聖明主 寶蓋三萬六

用上兩足尊 若干種寶蓋 諸佛身形現
紫磨金色成 團如尼拘類 所貢上寶蓋
周帯垂真珠 一一其寶蓋 二萬有五千
如是獻世尊 須臾間悉辦 以黃金衣服
賜遺諸菩薩 莊嚴於佛道 具足普周徧
二萬五千人 一諸億百千衆 二衆菩薩億黨
無能計數者 無央數億垓 其載數如是
悉從東方來 南方西亦然 北方上下方
四隅亦如是 一切諸世界 目悉遙覩之
世護諸聖主 其色紫磨金 世尊住於彼
晃晃奮光明 諸菩薩等類 各從本土來
童子寶網者 供養此學士 當爾集會時
所敬不可議 世尊勸安住 人上世師子
於諸天龍神 人民高位者 如今住佛前
一心而奉敬 住世亦如是 供如江河沙

其聞此佛經
不退轉至佛
持斯經典者
尚可知其數
若持此經者
功德之多少
諸天摩睺勒
不能稱其德
七日思惟是
奉經當如是
擎之以手掌
以如是像經
廣爲他人說
是爲未曾有
譬喻難徧數
然於後末世
聞佛師子吼
必當共諍訟
其有奉敬佛

童子寶網行
所得功德報
不可稱限量
水火及風種
嗟歎說其限
比丘比丘尼
聞是經典者
衆生悉集會
入火火爲冷
奉修佛道行
其欲一毛釐
執持千世界
若於後末世
疾成尊覺道
佛道不可限
外道異學人

其三昧正定
十方諸佛土
地可盡極知
不能盡充福
及清信士女
衆生悉集會
亦供養菩薩
執持千世界

世護演光明 於後將來世 聞經甚謙恭
佛告童子若有佛刹中三品衆生共和同心
志於佛慧設復有人供養此等無央數劫如
江河沙以貢上佛一心無二造立精舍極令
廣大如大千界以天栴檀而合成之一精舍
佛十
裏興造講堂計有億數一一講堂施億千榻
一一牀上重布好衣柔軟百億紫磨金寶以
爲牀榻使大神聖住在世間以此牀榻而供
養之竟恒沙劫滅度之後爲一佛各起塔
廟亦如江河沙不可計億爲一佛所起塔
千六
廟七寶合成大如三千大千世界極高巍巍
極於上界三十三天一一塔廟所供養蓋數
如江河沙億百千枚諸真珠貫垂著四面億
千繒幡時立諸幢亦如江河沙衆寶校飾皷
諸妓樂一一塔廟豎天上柱諸柱羅列億百

千垓而見供養所設如是一佛世界所興塔廟幢蓋香華如是奉事江河沙劫若聞是經一偈之頌不懷猶豫頒宣咨嗟一安住名號福過於彼并供養吾爲天中能持奉行不毀禁戒若有明者聞三昧名得見諸佛如江河沙亦能恭敬消息承事諸兩足聖威神無極講說經典常無放逸無數億劫未曾忘失其有曾見過去世吼爲說尊經殊異道王是等來世聞之乃悅宿從世尊更已啓受棄捐結網瑕穢之垢除諸惡行如糞不淨出於貪欲名曰有目習樂閑居常無馳騁其人本在維耶離城以曾聞佛說是經時自歸如來及見寶網於末世中乃持是經如我所教爲弟子其行尊妙功德茂盛愍傷衆生開度諸流於後末世乃持是經供養諸佛不可稱計是等

之類於後末世乃持佛法若億千劫淨修梵行在於世間行不可計積累功德於後末世聞此經者福超於彼無能限量啓受經典精思無底遊諸佛土不可計會見諸正覺講無限法見阿彌陀阿閦如來其欲觀此諸人中導離垢光焰師子月英然後末世當持此經若復欲見彌勒如來無垢大聖師子英如來如光明尊亦復如是然後末世當持佛法順如是比尊妙經典今者如來爲寶網說自於後世當奉行之無得住立放逸之地不毀禁戒常無放逸於後世時常奉行之人壽終時當速往生上方世界無量光明最勝佛土世界名曰爲寶君主彼壽終已當久尋逮見彌勒正覺佛說如是童子寶網四萬億菩薩彌勒菩薩等六十億阿羅漢九十億諸天世人

阿須倫聞佛所說莫不歡喜作禮而退

佛說寶網經

音釋

寢寐寢也
觸直庚
也覩切門苦
也各切醫限本
恪障於也仰二稔
謹苦也計跛切
也各切漏布火
切怵廢火也亥
鉢徒切怵足京
徑怵救儀日哀
惕律曲力亥切
曼切疾主十
懼惕也切
也他背切除
壓竅立紀

手